

K827.49
844-2
2

·王雲五主編·

左宗棠年譜

第二冊

特

號

人人又庫

纂鈞正羅

臺灣商務印書館印行

S 0011575

K 327.47
844-2
2

羅正鈞纂

左宗棠

臺灣商務印書館發行



二



S9003393

石景宜

年 月 日

復刊人人文庫序

人人文庫自民國五十五年始刊，迄六十二年終刊成者計達一千五百餘種。中分單號雙號及特號三種。單號每冊八元，雙號十二元，特號二十元。其種數之多，定價之廉，冠於全國。及六十二年秋後，紙張價格奇漲，且不易得，其他工料莫不稱是。人人文庫原以廉價爲主，隨成本而增價，殊違本旨，不得已於六十三年元月始暫停新書之印行，即原已出版各書亦以售罄爲止，暫不重版。今歲三四月以來紙價工價雖平均較前增長百分之一百五十，然已漸趨穩定，籌謀再四，決從五月起，仍予復刊，每月新刊暫定爲十種，其原出各書，銷數較廣者，仍予重版，以應讀者需求。書價姑定爲單號每冊十二元，雙號十八元，特號三十元，所增雖僅百分之五十，而以視工料之增長百分之一百五十者，仍稍虧損在所不惜。

復刊以後，選材益加審慎，範圍亦日廣，除與英國之人人文庫比擬，且後來居上。關於新知識之介紹仍略仿英國家庭大學叢書。又復刊新書之編著悉與原刊蟬聯

，設印刷工料不再增長，則由原刊之千五百餘種，不難與時並進，遞增至數千種，乃至萬種，使青年學子得以廉價盡讀有用之書，此則所殷望也。

又除單號雙號每種仍維持一冊外，特號因多載名著，爲存其真，必要時得分訂爲二冊以上，如十九世紀歐洲思想史卽其一例也。

中華民國六十三年五月一日王雲五識

左文襄公年譜卷四

同治五年丙寅公五十五歲

正月公資遣降眾訖甲申自潮州取道詔安還閩劉典乞假

歸檄張福齊簡桂林領其軍

按是年奏牘未刻彙有張福齊請更名張福齊片

二月

丙戌公至省城崇安齋匪起陷縣城調粵旋各軍赴勦未集

辛亥陷建陽王子張樹葵自延平馳至賊走還崇安丁巳黃

少春軍至復其城會張樹葵進破之嵐角三月壬戌追至江

西鉛山境悉平之張樹葵還屯崇安於是奏遣高連陞廣東

黃少春浙江各以本軍之提督任益按治各郡土匪檄王德

榜羅大春軍屯泉州虞紹南簡桂林軍屯興化張福齊軍屯

汀州楊和貴軍屯漳州康國器軍屯延平分起捕獲數月迺

定書牘卷八是年覆楊石泉書云此間窮治奸宄斬殺不下數百人從前漏誅首惡一一就法法令漸張良懦迺有蘇

息之望惟廉明守吏極不易得其孰與奠麗而訓教之乎是時初離兵燹所在彫耗迺於

會城開蠶棉館諭州縣增積貯備荒又以閩中理學之邦思

有以延其緒設正誼堂書局諭曰敬教勸學衛國於以中興

察孝舉廉漢治所以近古曩者張清恪之撫閩也與漳浦蔡

文勤講明正學閩學大興清恪彙刻儒先遺書五十五種埽

異學之氛掣入宋儒之堂奧所藏板片蝨蛀無存爰於省會

設正誼堂書局開雕書成散之府縣書院俾吾閩人士得日

對儒先商量舊學以求清恪文勤遺緒其有志問學之士願

司分校者赴署面試月致膏火本爵部堂判事之暇亦將來局共相討論儻不以時過不學而棄之乎先是

朝議購雇輪船以捕洋盜公以購雇不如自造上疏曰竊維東南大利在水而不在陸自廣東福建而浙江江南山東直隸

盛京以迄東北大海環其三面江河而外萬水朝宗無事之時以籌轉漕則千里猶在戶庭以籌懋遷則百貨萃諸塵肆匪獨魚鹽蒲蛤足業貧民舵舫水手足安游眾也有事之時以籌調發則百粵之旅可集三韓以籌轉輸則七省之儲可通一水匪特巡洋有必設之防用兵有必爭之道也況

國家建都於燕津沽實爲重鎮自海上用兵以來泰西各國火

輪兵船直達天津藩籬竟成虛設洋船準載北貨行銷各口
北地貨價騰貴江浙大商以海船爲業者往北置貨價本愈
增比及回南費重行遲不能減價以敵洋商日久銷耗愈甚
寢至失其舊業濱海之民商居什之六七坐此闐闐蕭條稅
釐減色富商變爲窶人游手驅爲人役并恐海船擱朽江浙
海運卽有無船之慮而漕政益難措手是非設局急造輪船
不爲功從前中外臣工屢議雇買代造而未敢輕議設局製
造者一則船廠擇地之難也一則輪船機器購覓之難也一
則外國師匠要約之難也一則籌集鉅款之難也一則中國
不習管駕船成仍須雇用洋人之難也一則輪船旣成煤炭

薪工需費不貲又時須修造之難也一則非常之舉訪議易
興舛議者一人任事者一人旁觀者一人事敗垂成公私均
害之難也有此數難毋怪執咎無人不以一抒籌策以徇公
家之急臣愚以爲欲防海之害而收其利非整理水師不可
欲整理水師非設局監造輪船不可泰西巧而中國不必安
於拙也泰西有而中國不能傲以無也雖善作者不必其善
成善因者究易於善舛如慮船廠擇地之難則福建海口羅
星塔一帶開槽濬渠水清土實爲粵浙江蘇所無臣在浙時
聞洋人之論如此昨回福州參以眾論亦復相同是船廠固
有其地也如慮機器購覓之難則先購機器一具鉅細畢備

覓雇西洋師匠俱來以機器製造機器積微成鉅成一船輪
機卽成一船成一船卽練一船之兵化一爲百比及五年成
船稍多可以布置沿海各省由此更添機器觸類旁通凡製
造槍礮炸彈鑄錢治水有適民生日用者均可次第爲之惟
事屬剏始機器良楛難辨仍須託洋人購覓寬給其值但求
其良則亦非不可必得也如慮師匠要約之難則先立條約
定其薪水到廠後挑選內地匠作隨同學習性慧有巧思者
無論官紳士庶一體入局講習拙者惰者隨時更補西洋師
匠盡心教藝者薪水全給如靳不傳授者罰扣薪水似亦易
有把握如慮籌集鉅款之難就閩而論海關結款旣完此款

應可劃項支應不足則提取釐稅應之又臣曾函商浙江撫臣馬新貽新授廣東撫臣蔣益澧均願湊集巨款以觀其成計造船廠購機器募師匠須費三十餘萬兩開工集料支給中外匠作薪水月約需五六萬兩以一年計之需費六十餘萬兩初始兩年成船少而費極多迨三四年則工以熟而速成船多而費亦漸減通計五年所費不過三百餘萬兩五年之中

國家損此數百萬之入合雖見多分亦見少似尙未爲難也如慮船成而後中國無人堪作船主看盤管車均須雇請洋人則定議卽與訂明教習造船卽兼教習駕駛船成令隨同出

洋周歷各海口無論兵弁各色人等有講習精通能爲船主者卽給予武職由虛銜洊實職俾領水師則材技之士爭起赴之將來講習益精水師人材固不可勝用矣如慮煤炭薪工按月支給所費不貲及修造之費爲難則以新造輪船運漕而以雇沙船之價給之漕務畢則聽受商雇薄取其值以爲修造之費海疆有警專聽調遣大凡水師宜常川操練俾服習風濤深其閱歷然後可恃爲常勝之軍海口各國兵船每月操演兩次如臨大敵遇有盜艇卽踊躍攬擊以試其能所以防其惡勞好逸者如此且船械機器廢擱不用則朽鈍堪虞時加淬厲則晶瑩益出故船成不妨裝載商貨藉以捕

盜而護商兼可習勞而集費似歲修經費無俟別籌也至非常之舉謗議易興始則憂其無成繼則議其多費或更譏其失體皆意中必有之事然臣愚竊有說焉防海必用海船海船不敵輪船之靈捷西洋各國與俄羅斯咪利堅數十年講求輪船之制互相師法製作日精東洋日本始購輪船拆視仿造未成近迺遣人赴英吉利學其文字究其象數爲仿造張本不數年後東洋輪船亦必有成獨中國因軍務繁興未暇議及彼此同以大海爲利彼有所挾我獨無之譬猶渡河人操舟而我結筏譬猶使馬人跨駿而我騎驢可乎釣是人也聰明睿知相近者性而所習不能無殊中國之睿知運於

虛外國之聰明寄於實中國以理義爲本藝事爲末外國以
藝事爲重義理爲輕彼此各是其是兩不相喻姑置弗論可
耳謂執藝事者必舍其精講義理者必遺其粗不可也謂我
之長不如外國藉外國導其先可也謂我之長不如外國讓
外國擅其能不可也此事理之較著者也如擬擬造輪船卽
預慮難成而自阻然則治河者慮合龍之無期卽罷畚築治
軍者慮蔽役之無日卽罷徵調可乎如慮糜費之多則自道
光十九年以來所費已難數計昔因無輪船致所費不可得
而節矣今仿造輪船正以預節異日之費而尙容靳乎天下
事始有所損者終必有所益輪船成則漕政興軍政舉商民

之困紓海關之稅旺一時之費數世之利也縱令所製不及各國之工究之慰情勝無倉卒較有所恃且由鈍而巧由粗而精尙可期諸異日孰如羨魚而無網也計閩浙粵東三省通力合作五年之久費數百萬尙非力所難能疆臣誼在體國奉公何敢惜小費而忘至計至以中國仿製輪船或疑失體則尤不然無論禮失而求諸野自古已然卽以槍礮言之中國古無範金爲礮施放藥彈之製所謂礮者以車發石而已至明中葉始有佛郎機之名

國初始有紅衣大將軍之名當時得其國之器被以其國之名佛郎機者卽法蘭西音之轉紅衣者卽紅夷音之轉蓋指紅

毛也近時洋槍開花礮之製中國亦皆能之礮可仿製船獨不可仿製乎安在其爲失體也臣自道光十九年海上事起凡唐宋以來史傳別錄說部及

國朝志乘載記官私各書有關海國故事者每涉獵及之粗悉梗概大約火輪兵船之製不過近數十年事於前無徵也前在杭州曾覓匠仿造小輪船形模粗具試之西湖駛行不速以示洋將德克碑稅務司日意格據云大致不差惟輪機須從西洋購覓迺臻捷便因出法國製船圖冊相示并請代爲監造適髮逆陷漳州臣入閩督勦未暇及也嗣德克碑歸國繪具船廠圖冊并將購覓輪機招延洋匠事宜逐款開載寄

由日意格送漳州行營往返講論漸得要領臣原擬俟其來
閩商妥再具摺入告適奉購雇輪船

寄諭應先將擬造輪船緣由馳陳

聖鑒疏入奉

旨試行會英使威妥瑪與稅務司赫德上議中國自疆當廣求新
法於外洋輪船器械以購雇爲便

上疑其議密詢公公復奏曰臣維西洋各國向以船礮雄視海上
然貪貿易之利仰中國之威未敢妄逞其時各國未造火輪
船尙無所挾也道光十九年海上事起適火輪兵船已成英
吉利遂以入犯厥後尋衅生端瞰我寇事方殷未遑遠略遂